


14.—HE WAIATA MO NGA KUPU WHAKAPAE (Te Arawa).

Ko tenei waiata kua taia ki “Nga Moteatea,” engari tera nga wahi ririki i whakatikatikaina. Ko nga whakamarama na Raureti Mokonuiarangi. E ki ana ia ko te waiata nei na Tikawe, he wahine no Ngati-Pikiao.



He waiata whakautu mo te whakapae, he kuia mate tane a Tikawe. I taia ano tenei ki te pukapuka a McGregor “Maori Songs” engari he nui rawa nga wahi raruraru o tera.

Kaore te korero kino, te haohao¹ nunui,
 Ko wai nga tane i tata mai ki taku taha?
 I hoki atu ano i te pou whakairo o te roro.
 Na wai Mawera,² kia mate hara mai.
 Aku rongo hanihani³ ka puta i nga whenua,
 Ka haruru ki tawhiti, ki te huka o te tai.
 Kei te Whanganui-o-Rotu⁴ ko Te Aitu¹¹
 Kia whakarikaia te mate. e runa nei ki te whare.
 Kia hei taku ate i te tau o tona tiki:
 Kia tia whakaripa⁵ i te kotore huia:
 Kia kahu purua i te neko⁶ pakipaki,⁷
 Ka pai au te hoki ki te koko i Whangaroa.⁸
 E kore te tane e tata mai ra i te whakawehi.
 I patua taku kiri ki te tororire⁹ ra i te hangehange,¹⁰
 I tahekea iho he rau kawa kei taku tinana.